

TOSTO PIRATA.



TOsto obscuro Cymbrici Chersonesi (que postea Iutia dicta est) loco ortus, sua ferocitate clarus emersit. Is primo incolas patriæ suę bello aggressus, sibi subiecit, & in sua uerba iurare coegit. Erat eo tempore, Anno mundi 2980, aut paulo ante Syfridus Saxonum rex, ad cuius ditionem Iutia pertinebat. Itaque laborantibus socijs succurrerat, atque tandem fortitudine Tostonis motus, cum eo pacem iniit. In ea expressum erat, ut coniunctis viribus Hadungum Danorum regem bello peterent. Itaque collectis copiis, Hadungum prælio superant, atque ad altum mare fugere cogunt. Verum postea Tostonem secum & spoliorum reliquias auidius incubantem Hadungus adortus, praedam deserere coegerit, & in fugam coniecit. Postea Tosto Pyraticam exercuit, atque eo uitæ genere magnas opes & autoritatē sibi comparauit. Tandem etiam ipsum Hadungum ad singulare certamen provocauit. In eo magna virute uterque decertauit. Nolebant enim priscę fortitudinis duces universorum discrimine exequi, quod paucorum sorte peragi potuisset. Verum Hadungus superior fuit, & Tostonem prostrauit. *Sax. Gram. lib. 1.*